

史

鉞

史鉞卷之一

文淵閣書總裁奉議大夫山東學政提刑察院司僉事晏璧編

松塢門

金堯劉校

翠巖後

金堯劉詩刊

君道第一聖君

天開困敗陰陽肇判而分歲起攝提人物無爲而化巢檜穴土
飲血茹毛人蘊五行之秀生爲萬物之靈爲上聖爲大賢經綸
天地之大經立天下之大本參天地之化育究仁義之本原入
而化之之謂聖聖而不可知之謂神聖人作而萬物覩天地泰
而品物亨幾康弼直足以延休命之中一德格天足以孚天心
之眷占上乘乾體元而當宇無日不憂勤于萬幾庶務不自安
此三皇五帝三王聖德神功光明俊偉爲萬世法程後有作者

無能及矣

大昊伏羲氏仰則觀象於天文俯則觀法於地理近取諸身遠取諸物始畫八卦以發天地之蘊造書契以代結繩之政養犧牲作庖厨制嫁娶以詭紀官而肇興人文

炎帝神農氏爲耒耜以教民稼穡日中爲市以通天下貨財爲醫藥以火紀官而扶持人命

黃帝軒轅氏習干戈以征不享造舟車以濟不通作律歷明禮樂以雲紀官而聿脩教化

少昊金天氏迎日推策以鳥紀官

顓頊高陽氏戰時象夫而命以民事

帝嚳高辛氏曆日月而推納之紹天位而立紀綱以成三王之治

帝堯陶唐民名放勳明父思光澤天下允恭克讓允被四表
克明俊德以睦九族之親平章百姓以致昭明之効協和萬邦
以成雍熙之化命羲和欽若昊天步占天日月星辰敬授人時
而明之以析因夷隤滄道有序如此至於嘉言罔伏野無遺賢
以合天下之善江表設謗本以來天下之諫訪懼室問下民
以通天下之情上階三尺茅茨不剪以儉持身不虐無告不廢
困窮其仁如天察虞舜之賢正四凶之罪其智如神故庶績熙
而萬邦寧魏乎惟天爲大惟堯則之蕩蕩乎民無能名焉在
位七十年遜而授之於舜此爲卷之十二

帝舜有虞氏名重華善與人同樂取諸人以爲善有大智之資
而好問察邇言由仁義行業業而致孝孜孜而爲善堯聞之聰
明將遜以位歷試諸難慎徽五典五典克從納于百揆日昃時

叙賓于四門四門穆穆納于大麓烈風雷雨弗迷陟帝位也制
璿璣玉衡以齊七政類上帝而祀六宗徧于群神明目達聰永
遠能邁德洽民心恩被動植詢四岳咨十有二牧舉才子八元
八愷比奎可封四夷來王恭己無爲文德誕敷而有苗格功成
作樂曰韶鳳凰來儀薦禹於天在位五十年南巡崩于蒼梧之
野後有作者虞舜弗可及也

以爲哲者之性

夏后氏禹姁姓名文命性時洪水滔天下民昏墊視天下猶己
溺之躬乘四載涉歷九州隨山刊木濬川歸于海足不憚勤勞
疏三江導九河六府三事允治告厥成功帝曰地平天成天之
曆數在爾躬嘉乃丕績授以天下命之曰人心惟危道心惟微
惟精惟一允執厥中后克艱厥后臣克艱厥臣政乃乂黎民敏
懷任土作貢下之奉上有定法因于制賦上之取下無過求野

無遺賢萬邦咸寧東漸于海西被于流沙胡南既靜教詔于四海

殷王成湯子姓名履天錫勇智聖敏日躋不遠聲色不殖貨財懋昭大德建中于民以義制事以禮制心子惠用節表正萬邦績禹舊服維時夏桀滅德作威天命殛之伊尹佐湯用應天順人之師有虔秉鉞無敢弼之敵用之卒夏莫殷代虐以寬兆民允德允禋之國莫不來王德懋之官功懋之賞佑賢輔德顯忠遂良三宅三俊內外兼備宜垂裕後昆也

周文王名昌姬姓急於脩德緩於立功克澤厥心緝熙敬止有聰明睿智之德無畔援汲汲之私躬卑服之儉絕遊畋之好雖在宮肅肅在廟不顯亦臨無射亦保不待聞而合法式不待誅而自入善道其心勤而惠薄其容和而穆穆厥德不回純一

不已至於不識不知順帝之則一陟一降在帝左右其備於身者與天無間視民如傷而二老來歸震芮贊成營鑿臺而庶民子來人心歸天命屬且夷明養晦以服事殷文王之德至矣

武王名發以大公均集爲師周公且爲輔召公奭畢公高皆左右王脩文王緒業時商紂無道奮龍受之威任鷹揚之佐舉兵孟津誓師牧野三千之臣惟同一心八百之國不期而會救民於水火綏厥士女之情壺漿之迎方集倒戈之敵旋見一戎大定四海永清列爵惟五分土惟三建官惟賢任事惟能尊信明義崇德報功垂拱而天下治有無競之德不顯成康之功求懿德之士以保時夏之治養豈水之財而貽燕翼之謀虛己問於箕子箕子告以天道作洪範取以仁義守以仁義傳以仁義其武王之謂乎

君道第二

皇天眷命奄有四海而爲君世德攸行表正萬邦而建極可畏
君可愛民若淵水惠迪吉從逆凶惟影響知天意之難諶而常
懼知小民之難保而常憂皇天無親惟德是輔民心無常惟惠
之懷德惟善政政在養民守包桑之戒爲陰雨之防保克艱之
謀謹無逸之誥是宜膺上天之曆數承先王之大統君臨保位
子惠黎民致治於雍熙庶法於奕世

商王太甲以冲幼之資繼已成之業而縱欲敗度伊尹多方訓
迪圖惟善終才及三年思庸之心一動悔過之念已切自怨自
艾厥仁遷義知小人之依保惠于庶民不敢侮于齔寡始焉背
師保之訓庸罔念聞終焉修先王之業從諫弗拂功加于時德

垂後裔

天庠之立桑穀共生于朝伊陟佐之君臣恐懼循德遂消天災
觀其嚴恭寅畏天命從法度以治民祗懼不敢荒寧思先王之
政明養民之道周公論其享國長久稱爲中宗

盤庚自耿邑而遷亳都民惑於浮言咨嗟怨上盤庚作書三篇
開心見誠回曲宛轉旁喻曲譬以口舌代斧鉞使臣民易傲上
之情轉懷土之思爲樂遷之意恭承明命永奠新邑紹復先王
之大業載覩舊都之規模慶幸宜何如哉

高宗居喪三年想甘盤之舊學恭默思道格于幽冥帝齊良
弼以形旁求得傳說於版築爰立作相不待敷言試功以天下
之大萬乘之尊委託於胥靡賤士非王之心同乎天地說之德
通乎神明夢會若是哉於是君臣交孚切劘治道講明帝學施
之政事舉合夫且賞不階而刑不濫荆楚之伐鬼方之克僭叛

而平綱紀正邦畿定制民知所止壯商邑之基致疆旂之盛商
邦嘉靖赫厥聲而濯厥靈葆垂裕於後昆中興功烈極盛矣夫
周成王名誦以幼冲之資象積累之業周公旦以叔父之尊攝
行王政三監流言周公以大義滅親廓清內難經營洛邑式化
商民制禮作樂郁郁乎文作無逸勸王勤政立政親王用人敬
之戒以天道之顯公劉戒以民事之原卷阿戒以求賢七月陳
王業之艱維勸王知夫農事其防邪道正持盈守成後世言安
民之主必以成王爲首緝

康王名釗克遵洪業旌別淑慝彰善癉惡申畫郊圻慎固封守
以康四海成周丕建無窮之基子孫有無窮之聞成康之際天
下太平刑措四十餘年不用

宣王名靜承厲王之後遇旱暵之灾而能側身循行以銷天災

任賢使能以興衰撥亂有山甫以補衮職之闕有申伯以蕃四國之難命召公出平淮夷告甫北伐嚴狃方叔南征蠻荆復文武之境土會諸侯於東都周室中興矣夫何末路怠公生不信賢臣而小人進用君子耻之祁父刺司馬之失職白駒傷賢者之不畱黃鳥悲賢者之不覩國祚復衰

漢太祖高皇帝劉邦字季起布衣提三尺劍定三秦禽魏取代仆趙脅燕東擊齊南滅楚不五年而成帝業其天資寬仁豁達大度所爲暗合於先王如舉關中有行能者爲三之用董公說爲義帝發喪爲秦民約法三章以順人心當食坐哺納子房之策拔足揮洗捐酈生之說起陳平於亡命而爲謀主拔韓信於行陣而拜大將命祠官尊事上帝在軍有死命吏斂之英雄陳力羣策畢舉又知人善任使好謀能聽天下已定命蕭何次律

令韓信申軍法與張良以兵家張本定章程按孫通制營壘
賈造新語人才雖不如古往往過人下至唐山夫人以女子作
樂章比商周之頌自謂運籌策決成敗不如子房堪國家給饋
餉不如蕭何戰必勝攻必取不如韓信此三人皆人傑吾用之
以取天下規模遠矣惜其氣稟雖學無學以磨治無真簡以啓
沃故於人道之大綱有未盡者以功業驕其父兄以爵祿富貴
驕其臣子晚年溺愛戚姬欲易太子國本幾危其後趙王不得
其死而惠帝竟以駭歎雖寬仁愛人然知有偏處不事詩書禮
文制度大略襲秦所以漢治終不能復古

惠帝名盈仁柔之資內脩親親外禮宰相優厚齊韓趙隱忍
竊矣當時海內得鬪戰爭之苦君臣拱手俱欲無爲是以天下
晏然刑罰罕用民務稼穡衣食滋殖不幸遭呂后騁趙主德仇

陷戚姬勒死趙王而使帝昆弟之誼虧渴愛魯元納甥女以爲后而使帝夫婦之倫亂因張后無子殺後宮美人取其子以爲嗣使帝父子之親不白惜哉

文帝名恒由代王入正大統躬脩節儉思安百姓宮室苑囿車騎服御不務脩飾省露臺百金之費衣弋絺革履囊帷蒲席夫人衣不曳地霸陵瓦器不飾金鉄因山爲瀆欲厚風俗止畋夫之拜除誹謗之法欲恤民隱除肉刑減田租舉賢良耕籍田却千里馬匈奴三入三拒之不窮兵遠伐南粵尉佗稱帝以德懷之佗稱臣自伏吳王不朝賜以几杖張武受賂及賜金錢擢河南守吳公爲廷尉化行告訐之俗吏安其官民樂其業蓄積歲增戶口蕃息禁網疎闊刑罰大省幾致刑措天下殷富粟斗十

錢鳥馬七犬八人馬六七十翁未嘗至古非嬉戲如小兒狀

至治之美後世鮮及嗚呼仁哉然獄周勃殺薄昭遷淮南三事
害恭寵鄧通賞賜鉅萬一事害儉昔人所謂大醇小疵稽古禮
文之事未遑所以興賈誼之慨

景帝名啓遵守成業掃除煩苛蠲民租減答法與民休息移風
易俗黎民醇厚國家無事倉庫盈餘周云成康漢言文景美矣
惜其無寵廢正后無罪廢太子信譏訕申屠嘉戮兆錯周亞夫
斥張釋之天資刻薄以計力御下背理傷道之事間出焉獨節
儉不妄費育民以致富爲克遵洪業耳

武帝名徹雄才大畧卓然罷黜百家表章六經舉俊茂興大學
脩郊祀定曆數協音律禮百神號令文章煥然可述若董仲舒
兗寬石建石慶汲黯韓安國鄭當時司馬遷相如東方朔枚臯
嚴助朱買臣卜式桑弘羊衛青霍去病蘇武輩不可殫數然英

壯之氣莫之能禦大興上木窮兵黷武耗費國用疲敝民力天
災迭見不知脩省而乃信惑竒怪矯誣上天躬祀竈祀太乙五
時如東萊泰山遣方士求仙藥好大夸功喜桑孔禍及黎氓喜
衛霍禍及邊鄙喜張趙禍及大臣喜江充禍及太子晚節血氣
衰乃下輪臺之詔力本務農而躋已噬矣大槩相不擇人不加
貴重少有罪戾大者腰斬小者獄誅皆亡秦之轍而帝則疏
通言路好賢不倦後嗣得人藉累世寬仁所以不至如秦之速
亡也

昭帝名弗陵以童稚之年能任霍光之忠辨上官燕盍之詐始
元元鳳匈奴和親百姓充實舉賢良文學問民疾苦議罷鹽鐵
確酤之事使得伊周之佐天假其年庶幾成康矣

宣帝名詢起自閭閻知民疾苦即位之初厲精爲治內魏輔政

天下又安求直言省市任罷官館質貧民減鹽價緩內禁信賞
必罰綜核名實政事之學法理之士咸精其能樞機周密品式
脩具講論經理稱制臨決五經就緒禮樂彬彬威服北夷單于
稽首然法制過詳道德不足以致詐難出用恭顯營臣者之禍貴
許史啓外戚之禍誅楊韓啓誅大臣之禍原於擇術不精學中
韓維霸道以致之也西京之亡基於宣帝文景養民之意至是
盡消靡焉功爲中興罪則魁首

光武皇帝名秀字文叔膺受命之符興復漢室英武度輩德化
三者兼備于時隗囂公孫述銅馬赤眉之徒乘時竊擾紛紛然
帝慨然發憤延攬英雄以悅民心故二十八將咸會風雲奮揚
智勇以成佐命之功爰刈群雄立高祖之業救萬民之命赫然
中興廟謨雄斷恢廓大度高符高祖草創之時恢振遠略天下

大定偃武脩文講經論道深遠民情解除苛法內外匪懈任官
惟賢憂身儉約無声色玩好之娛行己端莊脩學校禮文之事
服方領冒矩步者委蛇其中側席幽人夢想賢上物色覆光茅
土卓茂成節義之風政理適宜四夷賓服百姓家給治教清明
鑒高帝之嫚儒武帝之奢侈宣帝之雜霸元成之優游所以規
模懲創法度彰明然廢郭后移太子殺韓歆斥韓譚貶馬援封
子密用讖言行封禪信赤伏拜王梁爲仁明之累耳又以更事
責三公使大臣不得以盡心以謠言易守宰使守令不得以盡
我中興之美未盡焉

明帝名莊恭儉聰明脩治禮樂臨雍拜老崇尚儒雅化被蠻夷
無倖曲之私無矜大之色權臣不得請託外戚不得封拜惜有
明察之隆而宏寬弘之量楚獄逮及千數而刑罰臨發兵數出

無成而兵興開遠求天竺浮書啓萬世異端之禍於建武永平之治少損矣

章帝名炟聰明豁達寬厚慈詳詔諸儒以定五經恤胎養以育黎庶解楚獄而罷遠征裂都邑以封宗族文之以禮樂行之以惠恕平徑簡賦勸課農桑明慎選舉柔良而退姦猾順時令而理冤獄除禁錮之酷糾擅殺之罪公卿大夫咸用文士虎賁衛士匈奴子弟入學習然過於寬慈外戚寢積實后無子譖陷貴人動搖東宮廢長立幼帝不惟不辨一切從順東漢之衰自此基矣

○先主昭烈皇帝劉備字玄德寬仁大度能得人死力知人待士有高祖之風英雄之器崎嶇戎馬間如神龍之在陂澤降於呂布歸於曹操借勢於袁紹爲客於劉表其弱勢孤氣不少挫

志不少懾鎮沛艱難而信義愈明勢迫于危而言不失道愿休
英雄更結同志權沮勅敵因敗爲功孔明佐之自此榮耀烈
枉駕慨然從之好同魚水治兵講武分兵屯田木牛流馬皆出
巧思推演八陣圖賞天下奇才又有關羽張飛爲爪牙法正爲
謀主許靖麋竺簡雍爲賓支蔣琬有社稷之器馬超無文武之
姿黃忠勇冠三軍龐統冠冕南州董和黃權李嚴董允器戮力
上下同心由其天資高亢已力從盧植陳元方鄭康成遊弘益
多矣托孤之際君臣肝膽相照無形迹謂後主禪曰勿以惡小
而爲之勿以善小而不爲賢德可以服人言可師法便昭烈有
年孔明不死漢祚豈易量哉

唐高祖皇帝李淵承亡隋之弊舉晉陽之兵席卷長驅奄有關
陝命將出師掃除亂略遂降李密擊建德擒世充及武周前黑

闕破薛仁昊平楊文幹夷蕭銑六年而海內咸服皆聖王之功而高祖不能論功定儲以至構陷牆之禍使高祖如古公之明建成有太伯之讓太宗有子藏之節禍亂何由而生哉三者皆失之矣且舉事之初設詐罔衆殺人利己昵裴寂之邪而受宮女聽劉文靜之說而臣突厥以此貽謀何以爲訓是以唐世主人無正家之法戎狄多猾夏之事高祖以此基也

太宗皇帝名世民龍鳳之姿天日之表聰明英武結納英豪除暴救焚比迹湯武突厥之渠係頸闕庭北海之濱悉爲郡縣設府衛之法以制兵立租庸調之法以撫民省内外官以待賢好用善謀樂聞直諫使盜賊化爲君子呻吟轉爲謳歌致治之美庶幾成康然有天下之心又有天下之才又有治天下之效而不得與先王並稱者法令比先王未純也禮樂之具田制之法

庠序之教未脩也蒞政之始首復淳俗志伐高麗不忘黷武誅
張蘊古李君羨而濫刑徙上皇於大安劫父以臣虜殺兄及弟
滅其十子卒駭君親而奪其位他日亂第之婦與之生子又欲
立以爲妻其瀆人倫可勝筭哉程子曰唐有天下數百年雖號
治平然三綱不正無父子君臣夫婦其原始於太宗故後世子
孫皆不免君不君臣不臣藩鎮不賓權臣跋扈陵遲有五代之
亂後世以太宗爲聖明之主不可法也

玄宗皇帝名隆基相父起兵定內難謀斷超人開元之初憂勤
庶政好賢樂善愛民利物停不急之務罷祥瑞之奏焚錦綉於
前殿廢織工於錦坊飭厲如此又得姚崇應鑒宋璟守文韓休
峭直張九齡端嚴相次爲相使海內富庶四夷賓服天寶以後
侈心一動窮奢溺愛恣諫寢疎墮石殃也士以爲嘉瑞殺三子

天亂也宰相以持刑受賞大旱曰乾封之補淫雨曰禾稼無損
納妖妃閨門大醜也恬不爲悔以游娛爲良謀以聲色爲重務
姦諛並進以林甫國忠爲周召以祿山張舒翰爲方虎離疽結
於心腹豺狼匿於藩垣一旦變生所忽其起藩維廟堂執燬而
心醉猛將望塵而束手腥羶汙於伊洛流血染於河潼乘輿播
遷生民塗炭烏乎靡不有初鮮克有終安之不足恃治之不可
保如是夫

憲宗皇帝名純聰明果斷承前代姑息之餘天下方鎮十五縣
官賦入止於東南八道慨然憤發志平僭叛黃裳請裁制方鎮
納其言而任裴度興兵討蔡確然無疑何斷決之明卒能取靈
夏清劔南誅泚西俘澤潞平淮右復齊魯天下深根固蒂之盜
皆狼顧鼠拱納貢獻地稽顙入朝唐威復振足稱中興惜晚節

不終信任皇甫縛程異興利剥民後心既生乃崇宮室溺信佛
老怠於防微變生肘腋使譏諛得志遂成逆謀世難則能用忠
良時平則悅邪佞用忠良者欲成己事故能平天下悅邪佞者
欲快己私故致殺身

武宗皇帝名炎英敏特達任李德裕而退牛僧孺李宗閔克上
黨猶拾芥取大原如反掌遂成功烈然浮屠之除未幾而道家
之錄隨受豈真見不惑哉好惡如此宜天不永年也

宋太祖皇帝趙匡胤起介冑之中踐九五之位原其得國雖由
衆心推戴視漢周甚遠及其發號施令名藩大將俯首聽命四
方列國次第削平此非人力邪觀其解藩鎮兵權繩臧吏重法
以塞禍亂之原州郡司牧下官慕職躬自引對勸農興學惜罰
薄歛與世休息迄於丕平治定功成制禮作樂聲明文物之治

道德仁義之風可謂規模宏遠矣

太宗皇帝名炅篤前人之烈成未集之勛洪進納土錢氏入朝
劉繼元之逋寇歸命闕庭於是并包四海混六合子河漢之
勝破旗裘之膽烏白池之捷挫夏人之氣中外寧謐偃武脩文
禮樂文章煥然可述其沉謀雄斷儉勤納諫憫農恤刑崇德尚
義遇災知懼過舉能悔是以民窮而不忿兵罷而能戢惜上負
杜后遺訓太祖大漸事有可疑涪陵武功死有餘憾豈盡出太
宗本心哉實趙普陰贊之也難逃後世之譏焉

真宗皇帝名恒守已成之業政從簡易作七條以賜文武臣僚
分三等以察官吏能否承平日久物阜民安任賢使能政脩事
舉澶淵却狄之後十九年偃武脩文惜謬信丁謂之譏言貶斥
寇準輕聽王欽若之怪誕僞降天書貽笑萬方有虧聖德

仁宗皇帝名慎恭儉仁恕敬天重民賢俊滿朝忠言進用常服浣濯之衣不極膏粱之味親決疑獄歲活千人吏諮用刑終身不序吏治若媮嬾而政無貪殘刑法似蹤弛而獄皆平允國豈無嬖倖而不傷治體朝雖有小人而不勝善類君臣一德忠厚惻怛仁仁君

英宗皇帝名曙以聰明仁孝之資膺曆數在躬之命耽玩經史不樂宴遊服食儉素悅服人心臨政必聞故事與古治所宜處事詳刑出人意表惜天命不遠神器弗終

孝宗皇帝名昀體大舜受堯之道述下武繼文之聲置恢復局覽華夷圖建國用使開都督府其復中原吊遺黎之志昭然可見惜無賢相佐助之以經營北方之議幸當時士大夫尊尚程氏之學善類多所引進張呂氏四方師宗南使至此以問

先生安否值金世宗賢明通好易表爲書改爲稱婢減去歲幣
少休民生人君能盡孝道帝其至乎

元太祖皇帝奇渥溫氏名鐵木真深沉有謀略用兵如神任木
華黎爲將相先征西夏次取燕南山東河北五十餘城還師于
燕金人獻子女玉帛繼克山西河南滅國六十勲績懋焉
太宗皇帝名窩濶台用耶律楚材爲相與宋合兵滅金全有中
原輕徭薄賦德量寬弘仁愛及物事無過舉刑必詳明國富民
安刑平事理恢廓先烈遂矣

憲宗皇帝名蒙哥先後平大理安南高麗面鵲威震諸國所至
全城秋毫無犯剛明沉毅沉斷寡言不樂宴遊服御儉素后妃
亦下踰制秩有家規裁抑權臣政必親決凡詔旨皆自起草詳
審而行行必當理御臣下雖嚴而有恩故人樂爲之用

世祖皇帝名忽必烈以安童爲相伯顏典兵許衡贊佐朝政
秉忠爲太保王磐竇默姚樞掌詞垣建國號定朝儀行鈔法正
律曆設官制脩典禮混一區宇會同華夷德量寬弘知人善任
使信用儒術愛養黎元賑災恤饑惟恐不及立經陳紀用夏變
夷變越前古

成宗皇帝名鐵木耳承世祖太平之業垂拱化成罷不急之征
徭蘭州河清三日水旱免租役地震省刑賜高年帛罷白雲宗
汰僧尼收僧租親行釋奠禮承天下混一之後垂拱而治可謂
善於守成不幸末年寢疾不能視朝國家政事內決於宮闈外
決於大臣其不至廢墜者去世祖未遠成憲有定也

武宗皇帝名海山敗崇禛雅能白蓮宗加封孔子大成至聖文
宣王水旱賑恤蠲租立平准行用輝列換昏鈔立常平倉以權

物價豐年糴粟奏凶歲減價糴承富有之業慨然欲改法圖治

然封爵過多遙授之官衆錫資賚之恩薄然仁孝慈

愛優禮大臣足稱守成之

仁宗皇帝名愛育黎拔力爲謀效臣脫脫虎三寶

奴陞周程張邵司馬宋張昂許九爲期任李孟守鈞衡

開設科舉罷白雲宗旱災星變也皆貴已限民入性仁孝恭儉

慈詳敦禮崇文服御極素恬淡無欲不事遊政事大石終身不

違顏色待宗室勲戚恩禮有隆爲治孜孜一遵世祖成憲

英宗皇帝名碩德八剌仁宗不豫憂形于色露禱北極祈以身

代服喪過哀敬禮儒臣開筵聽講日食咎已敬天勸民天性剛

明彰善報惡信賞必罰皆諭丞相拜住以祖宗櫛風沐雨創業

艱難君臣同心共保天爵然果於誅戮殺臣也先帖木兒等畏

罪該構入變丞相拜住同遇害云

泰定帝名也孫鐵木兒即位之初首誅姦逆以復先繼開經筵講說經書擇師傅訓迪王子脩祠祀罪冗官汰衛兵減旣馬郎監賞遺使巡行詢問民瘼賑荒蠲租省刑罷役敦崇儒雅彬彬文物確守成規風俗熙皞而天不永年惜哉

明宗皇帝名和世疎初封周王鎮雲南泰定帝崩懷王圖帖穆爾自金陵徙江陵遣使迎兄周王于北次王總察都之地暴崩于行在弟懷王立

文宗皇帝名圖穆帖爾兄周王未至燕都暴崩于和寧文宗即位天性仁孝度量恢弘崇尚儒流考索典禮開奎章閣以聽講輯經世大典以成典章汰冗官罷土木禮樂文物彬彬可述

史鈔卷之二

君道第三

庸君

三代而下能統臣民主社稷天下共而尊者謂之君能守法度班號令天下莫敢違者謂之王王道衰微強大之國能率諸侯以尊王室者謂之霸戰國之世君德衰微王綱解紐權臣跋扈宦寺專權諸侯專征大夫擅政各器業亂典禮乖違或稽考之不詳錯施而妄舉或奮發而不力退縮而疑畏或持守之不堅廢弛而變更其爲治利闕而難脩紊亂而難理乖離分析而不可復合委靡頹敗而不可復振然猶不失夫君位者籍文武大臣所以維持之力也非所謂凜乎若朽索之馭六馬危乎若短棹之鼓巨濤者乎

周昭王名瑕

游于大澤遂見月光五色貫于紫微井水溢

諸王不知脩省以理朝綱乃巡狩無度返濟于漢人以膠舟渡之膠液舟壞王與蔡公俱溺死何其愚哉

穆王名滿盤遊無度乘八駿西巡樂而忘歸徐夷作亂王初命徐子主東方諸侯而徐子偕稱偃王造父御王歸告楚伐徐自是荒服不至蠻夷稱雄始此

平王名宜臼先是幽王爲犬戎所殺平王東遷于洛王室微弱身爲鄉士而敢於叛君位居黃屋而自將伐鄭繻葛一戰首足倒懸政令不行諸侯相吞秦晉齊楚始大詩自黍離列于國風與諸侯等也孔子脩春秋始此蓋萬變之權衡事機之樞紐而古今治忽之斷例也

威烈王名午二十三年命晉大夫魏斯趙籍韓震爲諸侯周室衰弱王政不綱天子徒擁虛器耳春秋而後莫此爲甚故司馬

光脩資治通鑑始此亦以王綱之所繫典禮之所存而天下國家之大本大經在焉

秦二世皇帝名胡亥誣殺長兄僭竊神器繁刑重役誅戮任情罪惡貫盈天下離叛招宦官之愚弄貽赤子之操戈身死國亡甚矣強暴之不足恃也

漢元帝名奭以昏懦為君初政頗善群小相掎陷害良直任用外戚史高宦官恭顯專擅朝政諸殺名臣雖召用儒生委之以政貢薛韋匡終居相位而牽制文義優游不斷無所建明孝宣之業衰矣

成帝名驁善脩容儀臨朝淵默尊嚴遭世承平上下和睦然耽于酒色趙氏內亂外家擅權損棄忠言災異迭見言之可為於

哀帝名欣。睹孝成之世。權柄外移。及即位。屢誅大臣。欲強主威。以則武宣。天性昏悞。拒絕正諫。溺信姦諛。宜享國不永。平帝衍幼冲之年。身遭不造。新都作宰。不伊不周。安鳩毒禍。起蕭牆炎。精不復然矣。

和帝名肇。慨然獨斷。終除大憝。使朝廷肅清。宮闈寧晏。尊信儒術。克納讜言。已而宦官外戚。迭為消長。猶有骨鯁忠烈之士。如袁安輩。面折廷諍。以摧姦鋒。終莫能救。

安帝名祐。雖稱尊享。御而權歸鄧氏。災異迭見。閹宦專政。志士窮棲。至於計金授官。移民逃寇。亦惟家之索矣。

順帝名保。繼統之初。天下想其風采。黃瓊李固登用。東京之士盛焉。然委政奄宦。有識寒心。張綱嘆穢惡之滿朝。埋輪都亭。欲除封豕長蛇之害。竟不能用。賢人君子。莫扶漢祚之衰。

冲帝質帝俱以幼冲受制梁冀繼遭廢逐李固杜喬抗言宣力反被策免

桓帝名志梁冀雖除五侯七貴賢人君子志氣激烈卒成黨錮之禍人之云亡邦國殄瘁

靈帝名宏孝和以降貴戚擅權嬖倖用事賞罰無章賄賂公行賢愚混淆是非顛倒可謂亂矣而猶不絕如綫者上則有公卿大夫面折廷爭用公義以扶其危下則有布衣之士立私論以救其敗故政治雖濁而風俗不衰至於觸犯斧鉞視死如歸苟有賢君振作之漢祚未可量也惜桓靈昏虐保養數回有逾骨肉殄殲忠直其於寇讎於是何進召戎董卓乘鮮衣紹掛雞乘輿播遷宗社爲之丘墟烝民淪於塗炭矣哀哉痛哉

魏明帝名叡性特強識張儉大臣料其間功能拜絕浮偽命將行

師決斷英武納忠聽諫而緩外禦不廢前功而於彌晉之際德政不脩驕侈大過祭蕞空竭受制權姦遂至侵凌至于易姓

廢帝邵陵厲公名芳高貴鄉公名髦粵自明帝沉毅好斷優禮

大臣開容善直雖犯顏極諫無所摧戮君人之量偉矣然不思建德垂風不固維城之基使大權偏據社稷無衛惜哉

廢帝名衷昏愚不慧不辨菽麥權在群下政出多門忠賢路遠讒諛得志東奔西逸受制他人不保身體食餅中毒不知禍端

懷帝名熾聰敏尚文天年不永璧之重寶委於通衢無人守護安得不亡且禍生閨闈成於宗室宗子無維城之助師尹無具瞻之實朝為伊周夕為桀跖戎羯稱制二帝失尊朝無碩德鄉之善人學者以莊老為宗談者以虛蕩為尚憂身以放曷為

仕進以苟得爲貴守文之主猶恐兆民忘懷臨之哉且我狄之剖裂中土衣冠之淪沒泥塗薰醺生民流血成川遺骸盈野哀哉痛哉

晉元帝名睿本牛氏之子冒冉午之裔性資英武崇德尚賢以宗室疎屬遜居江表士民思晉裹囊來歸王導有克復神州之念祖逖有誓清中原之志雍丘之役黃河以南悉還晉土逖方練兵積穀以謀進討而盜兵之請導友沮之人謀不協坐失事機史臣稱帝恭儉之德雖尤稚武之量不足自是君臣宴安以江左爲稅駕之地無廓清中原之期大業未振禍亂內興惜哉明帝名紹聰慧好文尤工武藝王敦雖欲睥睨神器幸帝之深謀稚斷掃清大禍天不求年

成帝名衡頗務簡約稚武之度雖慚前王恭儉之德足追往烈

值蘇峻叛逆逼遷石頭賴溫嶠陶侃庾亮諸子力足以抗賊謀足以平亂江左少安

廢帝名岳踐祚不求無足稱者

穆帝名聃襁褓中托褚后之化中外無事十有餘年

哀帝名丕廢帝名奕桓溫專政無所建明

文帝名昱神謀恬暢無濟世大略拱手桓溫而已

武帝名昌明天誘其衷桓溫自殞謝安足以鎮雅俗王彪足以

正紀綱大破苻秦威靈復振羯胡歛迹江左奠安羣賢繼歿道

子元顯秉政君臣沈湎于酒色晉祚於是而傾危

安帝名德宗不辨寒暑桓玄篡位劉裕劉毅舉兵誅玄乘輿反

正而裕亦包藏禍心以窺王室

宋文帝名義隆仁厚恭儉勤於為政百官久於其職守宰以六

莽爲斷三十年間宴安無事惜其內無股肱之臣外乏爪牙之士以萬里長城之人死於讒人之口朝廷大事謀於白面書生不自量力橫挑強胡使師徒殲於河內戎馬飲於江津及其末年狐疑不決卒及弑道之禍豈非文有餘而武不足耶

武帝名駿殺邵而立勸除逆亂師直而壯成功固宜而乃荒淫酒色驕奢無度十二年殂得保首領於牖下亦幸矣

廢帝名業凶悖尤甚叢孝武之陵發貴人之塚衆惡所蕪不亡何待

明帝名彧猜疑忌諱多加誅戮以神器付李氏子八年而殂肅道成專政立蒼梧王是驕恣嗜殺道成弑之立順帝名準

廢帝名贍革晉宋弊政嚴明有新外長無雍內朝多譏爲政頗良十二年殂大孫昭業立是爲廢帝簡林王愆郤內作猜忌

外生爲西昌侯鸞所殺立新安王昭文爲廢帝海陵尸位而已
王鸞弑之而自立是爲明帝高祖兄子也疑忌橫生數行誅戮
殺高祖子孫無遺太子寶卷立爲廢帝更昏虐嬖賊無度親信
嬖臣而被弑自武帝以來連遭廢弑明帝自以得於不義深戒
東昏以先事制人而大臣疑懼禍變相尋卒亡其國夫不務令
德而殺人以自安終無濟也

簡文帝名綱幼而聰慧多聞識達富贍文藻不幸遭家不造
即位爲侯景所制湘東王繹自稱假黃鉞督諸軍岳陽王譽與
繹相攻降于西魏立譽爲梁王景弑之立豫章王棟爲元帝陳
霸先立晉安王方智爲敬帝武帝德澤不施其子孫各擁強兵
列居京鎮不抹君父之危而窺間乘便立相符斌元帝於君父
兄弟中實爲殘忍是以雖剪凶渠克復故業不思經國親講老

子寧至喪師覆族身爲俘囚亂臣賊子無父無君止人心不與亦天地之所不容誅也

文帝名稽起自艱難知民疾苦性明察在位七年殂安成王頊立爲宣帝十四年殂文帝恭儉政事可謂無幾宣帝值齊之衰而啓上逢周之興而喪師豈非不恃內而恃外邪夫區區之陳君天下五分之一凜凜危懼尚不能保况後主荒淫無度以趣之納身胥井夫何怪哉

高宗皇帝名治初即位問民疾苦尊禮輔相恭己以聽政頗庶幾親授太宗帝範長孫無忌褚遂良輔佐一旦立武昭儀殺無忌遂良政在中宮二十年溺愛杜庶不戒殺霜之漸蒸父妾爲主莫念聚麀之耻縱女后爲政卒招晨乂之凶屠滅宗室毒流播紳非顧然仁傑張柬之等戮力調護誅二張以復中宗之

位唐之社稷絕矣

中宗皇帝名哲。姜蕭不振。徒擁虛器。久罹憂辱。備嘗艱苦。一日復辟。荒淫不悛。不鑒呂氏之禍。而縱妖妃之淫。遂成大逆之謀。豈天殲其德。而絕之耶。彼自絕于天耳。

睿宗皇帝名旦。雖以中人之才。深鑒前代之失。立嗣以功。猶斷大事。釀成其妹之惡。幾成逆謀。何足稱也。

肅宗皇帝名亨。國之元子。收兵靈武。反旆而東。兩京收復。父子同歡。

代宗皇帝名豫。分命將帥。剪除兇醜。使大河南北復爲唐臣。其功不細。然二君武不足以大。賢明不足以燭理。向無子儀之忠。光弼之智。因僕固懷恩。以因回紇。則天下已非唐有。以肅宗喪危。集國不立。紀綱制於李輔國。不得養其父。惑於張后。不能庭。

其子武可知矣。代宗早建大功，仁而不武，委靡不斷，護國之言使光弼不敢入朝，慙憤以死。懷恩招引外寇，幾再亡國，明可知矣。不思經遠之計，專爲姑息之政，盜賊竊據者，因用爲牧守。士卒殺主者，因授以旌鉞，使強暴縱橫。下陵上替，積習成俗，莫知其非。唐之紀綱大壞，不可以復振者，皆二君之所啓也。

德宗皇帝名适，憤積世之弊，閔王室之卑，南面之初，赫然有撥亂之志。資性流於猜忌，舉動陷於刻薄，初相崔祐甫，務崇寬大，有貞觀風。及盧杞秉權，事事苛刻，由是強明自任，耻屈正論，受欺姦諛，疑蕭復爲輕己，謂姜公輔爲賣直，納楊炎以重歛，盡失人心。故關外之寇未平，京城之盜先起。於是困辱奉天，播遷山南，公卿拜于賊庭，鋒鏑集于黃屋，賴陸贄盡心於內，李晟渾瑊宣力於外，故能誅元兇，復宗祏。自後消剛爲柔，利方爲圓，晚節

媮懦矣

穆宗皇帝名恒。蒙已成之業。承既平之緒。牛李互黨。藩鎮復叛。授佐非才。爲謀不臧。使柙中之虎復縱於原野。網中之魚自脫於深淵。由是再失河朔。元和之功於茲墜矣。

敬宗皇帝名湛。初政用賢。納諫可方漢昭。稍長。福急荒淫。狎昵群小。鞭笞宮臣。致劉克明。蘇佐明之逆謀。昏愚失德。自殞其身。文宗皇帝名涵。爲宦者所立。恭儉儒雅。欲厲精求治。逆貞觀遺政。勤於政理。然仁而少斷。委靡不立。李德裕秉政。牛僧孺沮之。惑於左道。溺信清虛。邪正並容。不知辨察。宦官之禍。延蔓滋深。以宋申錫之賢。無能爲。反受其害。李訓。鄭注。反覆小人。以一朝誦詐之謀。剪累世腰固之黨。遂至流血禁庭。積尸省戶。公卿大臣。連頸就戮。閭閻屠殺。甘露之事。古今所羞。天子陽藉縱酒飲。

恨吞聲自比赧獻言之可爲於邑

宣宗皇帝名怡少歷艱難長年踐祚人情誠僞靡不周知究心民事精勤治道賞罰俱當故四海樂業殊方順軌然以察爲明無復仁恩由是而唐脉益耗矣

懿宗皇帝名漑器本中脩流於近習所習者巷陌所昵者桑門驕奢無度淫樂不悛嬖寵專權呼之爲父賊汙宮庭兩幸梁益幸佛寺迎佛骨脩崇佛果罷竭民財民怨神怒國亡決矣藩臣跋扈禍非一日如羸病之人養以糜粥尚不濟飲以毒酒其能濟乎

僖宗皇帝名儼天命已去人心久離盜徧寰區草生賊窟漂泊幽辱寄命宮臣王守澄田令孜楊復恭韓全暉爲魁自稱定策國老目天子爲閉生深根固蒂疾成膏肓不可救藥悲夫

昭宗皇帝名晔。俱爲宦官所立。不勝其耻。力思剪滌。任用非行。始則張濬覆軍。次則克用跋扈。復恭亡命。文道不臣。致兵交關。庭矢及御膳。漂泊莎城。流寓華陰。幽辱刼遷。崔昌胤召朱全忠。連圍困者二年。御膳不給。王侯飢寒。然後全晦就誘。黨惡殄滅。而唐亦隨亡矣。

後唐明宗胡人。邈佖烈也。爲李克用養子。名嗣源。莊宗滅梁。嗣源功多。莊宗殂。嗣源年已六十。性不猜忌。與物無競。初無取國之心。爲衆所推。嘗焚香祝天曰。某胡人。因亂爲衆所推。願天早生聖人。爲生民主。在位年數。復整其革。少用校之五代。其庶幾焉。惜其戲殺從璟。無父子之恩。誣殺重誣。乖君臣之義。非不學所致歟。

後周世宗本柴氏。名榮。周祖妻兄之子。而繼位。知世弊起於威。

令不行故高平之役首誅樊何遂變弱爲強因敗成功乘勝逐北至于太原歸而簡兵習戰乃南割江淮西克秦鳳北開關南攻無堅城戰無強陣又以枹鼓之餘治律明理審政明法任賢養民中道而卒獨最稱爲五代之君惜無勸學之臣欠格心事業人道有虧符氏爲李崇訓之婦取以爲后柴守禮爲本生之父不迎致奉養且用法大酷殺戮無辜有累盛德

宋神宗名頊雖厲精求治不事遊畋克儉克勤將有所爲然熙寧之政誤於王安石行青苗保甲保馬助役供輸之法黜老成排群議惡正直悅輕浮呂惠卿之徒朋邪黨輔毒害生民消耗國脉安興西北之兵安西喪師永樂敗績天下騷動肇靖康之禍亂惜哉

歷宗名熈帝名煦神宗之世新法爲患累年帝以幼冲踐祚宣后

臨朝召用司馬光呂公著援蘇軾蘇轍斥蔡確章惇罷王安石
新法元祐之政人稱女中堯舜宣后既崩章蔡大用八閔五鬼
之號猖獗縱橫假紹述以反前政騁姦惡以陷善良黨籍禍興
國事非矣

徽宗皇帝名佶性資聰敏博究群書非若晉惠之愚孫皓之暴
亦無曹馬之篡其失國也特恃其私智小慧用心一偏躁斥正
人狎昵姦佞蔡京以猥薄巧佞濟其驕奢林靈素以恠誕虛無
資其放蕩朱勔以崇飾游觀竭夫民力君臣逆豫廢弛朝剛童
貫用事又集兵勤遠總禍速亂遂至亡國辱身與石重貴同科
皆由玩物喪志縱欲敗度而然可不戒哉

高宗皇帝名構恭儉仁孝以之繼體守文則有餘撥亂反正則
不足當其初立國四方勤王之師內相李綱外任宗澤中興既

復之事宜無不可爲者。顧乃播遷窮僻，坐失事機，始惑於汪黃，終制于秦檜。罷趙鼎，張浚而罪奇飛，匿然忘親。偷安忍耻，貽證後世。悲夫！

光宗皇帝名惇，幼有令聞。嚮用儒術，及大統，總攬朝綱，用賢屏姦，寬刑薄賦，有可觀者。不幸宮闈悍妬，奄寺專權，驚憂成疾，孝道有虧，天位遂不正矣。

寧宗皇帝名擴，恭儉守文。初年以舊學輔導之恩，召用黃裳、羅點，再召朱熹待講。政事脩舉，中更侂冑當國，負定策勛，內蓄姦邪，指正爲僞，外挑強隣，流毒淮甸。侂冑之首雖梟，國體之虧莫補。彌遠擅外權，楊后竊內柄，拱默不能自強，惜哉！

理宗皇帝名貴誠，爲彌遠所立。束手受制，蔡州之役，可以雪先世之耻。顧乃貪地棄盟，事興隨起，其連禍結，境土自蹙。由夫中

年縱欲怠於政事。權移姦臣。以致於此。然嘉定以來。正邪貿亂。國事靡定。自即位。黜安石而尊周程。表章朱呂。丕變士風。崇道學。使後世知理學。足以復古帝王之治。其功不少矣。廟號曰理宜哉。

度宗皇帝。名堯賈。似道不學無術。專權挾私。夸功結怨。敗天罔上。賣國召兵。喪師費財。疆土日蹙。帝承大統。拱手權姦。而荒于酒色。國事茫然。衰益甚矣。

史鑑卷之三

君道第四 亡國

嗚乎九五之位厥惟艱哉其興也由夫君德之盛上格天心而有天下其亡也由夫君德之衰上逆天心而失天下豈一日哉由來遠矣成周由先公先王積德累仁以區區數十邑處夫七強國之間者二三十年不絕如線迨至暴秦始滅漢唐宋亦由開國之君寬仁厚德綿綿不絕歷數百年以延國祚至於孤秦六朝五代不二三世鼎祚變遷蓋以取之不以其道守之不以夫仁天心厭禍人謀弗臧非不幸也宜也甚哉君德之不可不脩天心之不可以悟善惡之報猶如反掌易曰其亡其亡繫于苞桑此之謂也

國祚主名延是時王室衰諸侯強并弱猶知尊周者以禮之在

人心習於耳目決於骨髓雖有陵慢之心則畏夫禮而不敢發雖有離散之心則畏夫義而不敢行不然秦楚之強猶虎狼不能一朝容也豈俟夫五十九年而不舉哉

王子嬰爲趙高所立知高謀逆乃先事誅之秦之強天下無敵也王剪將四十萬滅楚蒙恬將三十萬伐匈奴章邯董翳司馬欣將兵又不下三十萬而項羽一舉坑其二十萬合陳勝吳廣劉邦之兵不如秦之多兵甲不如秦之利而滅秦指顧間者由人謀之不臧也使二世不讓位邯豈肯流涕而屈辱於羽哉天心厭亂假手於劉項不義之類

孫子嬰爲王莽所立莽終篡漢王氏專政四世矣而人心思漢勉強從莽十八年一旦白水中興莽土崩而瓦礫非人之能爲謂非天乎逆天者如是

漢獻帝名協爲書卓所立曹操誅卓專政者二十有五年終帝之世雖蓄不臣之心而不收輕發片長名義也視賊莽之竊璽移鼎豈不大有徑庭名義之重勝如兵革如是夫

蜀後帝禪當昭烈以一旅之衆豈足與魏吳鼎立也一則人心思漢二則諸葛善謀昭烈武侯俱亡安樂又延數載漢家之德漸於人心如是其遠者以此夫

魏元帝名奐司馬氏三世專政而廢帝帝奮自出討殞命關南嗣位者孱弱驕孤曹爽驕顯當黑髮輕佻禍由內壘衰微不振以至易姓悲夫

吳歸命侯孫皓殊無經國遠謀承祖父餘蔭驕慢殘虐浮於桀紂托陸遜父子抗曹劉之勢數年陸氏既亡國事隨之亡矣非人謀之不臧歟

西晉愍帝名業奔播之餘徒守虛器而天下之勢有若土崩瓦解無熊羆之將材遇虎狼之虜勢將何以支之哉其子羣殺身者宜矣

東晉恭帝名德文自海西公以來孱弱孤危外陵內叛寄命於虎狼之手鮮不噬吞幸保宗社百年賴王導謝安陶侃卡圖諸公之力諸公既歿道子元顯烏能捄哉

宋順帝名準蕭道成謀逆久矣賴袁粲據忠以遏之羣孤號咷朝不保夕粲死國滅可哀也夫

齊和帝名寶融骨肉操戈寇讎假手逆天之罪焉得而逃禍亂侵陵猶如反掌奚足怪哉

梁敬帝名守智元帝殘忍雖剪侯景而陳霸先踵迹覬覦守智初中廢能抗強臣於一戰

陳後主名叔寶雖通書文辭以井蛙之見任非其人
不事天機而事邪鬼不近忠直而近狎昵不怕百姓而恤大馬小人晝夜
酣歌拋置國事兵犯闕庭猶眷戀寵姬捐身胥井以丐餘生非
不幸也宜也

隋煬帝名廣以悖逆詐謀坐承富強之業志驕氣溢悅慕秦皇
漢武之爲窮奢極欲兵連四夷賦重政煩盜賊蜂起巡遊不息
以樂淫夢惡聞直言者皆殺蔽賢父病革漸蒸父妾弑父殺兄
一日殺猶子七人晚年身死人手撤床寶以裹屍受禍之烈前
代希有

唐哀帝名祝爲朱全忠所策立束手受制唐由文武宣懿僖昭
皆受策於宦臣全忠雖誅宦臣而逆謀等其謂非又生一秦桧
後唐潞王名從珂少從明宗征戰因功已闕馮道班迎僭下天

位鳩殺閔帝而明宗之婿石敬瑭復殺從珂始也戕民以賣國終也民散而國亡天道禍淫猶如反掌覆車之轍可不戒哉

後晉出帝名重貴舍桑維翰之謀信景延廣之策內政弗脩外挑強虜使流民塗野草胡騎突宮庭生為降虜死為羈魂非不幸也

後漢隱帝名承祐雖有南面之尊而政非己出民不知君輕信邪謀妄誅叛將禍豐隨之理勢然也父子相繼四年而亡自古享國之短未有若此者也

後周恭帝名宗訓以幼冲之年無積累之德天命已去人心攸歸于宋啓太平之隆基成文明之景運豈偶然哉

宋欽宗皇帝名桓雖無失德苦乏良謀聽信諂諛之言拒絕忠諫之路六賊可討而不討宗雖李綱當任而不任政萬幾於危

囚俾九廟於劫燼犬羊腥穢於中原父子委身死於繼漢自古亡國未有若此之甚也

宋少帝名焘際天運傾頽權臣叛將望風迎降母后三宮辱身倖虜文天祥陸秀夫張世傑鞠躬盡瘁無計保全教義撫忠收宋三百年養士之效於是爲不爽也

元順帝名妥懽帖穆爾初政清明敦崇儒雅天心上厭災異相仍赤子弄兵南北隔絕不思經國遠謀逞欲奇技淫巧寵信譏倖妄誅元勛腹心之疾甚於噬臍委置宮庭脫身沙漠實關天運何辜於人

君道第五 暴虐

民爲邦本本固邦寧自古創業之君未有不由勤儉寬仁而興者亡國之君未有不由貪淫暴虐而喪者作善降之百祥不善

降之百殃福善禍淫昭然不昧夏周之興皆由積德秦隋之滅
肇自不仁不知國步之艱難不恤民生之疾苦俾僉任之在位
而土木之繁興或重賦而嚴刑或窮兵而黷武不以宴安鴆毒
為戒不以兢惕藥石為憂肆欲任情作威滅德以天命為不足
畏以生民為不足惜坐受其弊茫無所知天命靡常殷鑒不遠
為人君者可不觀感而脩省戰兢而惕厲者哉

王履癸名桀承大禹累世勤儉之德以位大統以託兆民政
當字育黠黎庶安宗社恃匹夫之膂力等九有於埃塵貪虐荒
淫暴戾頑狠為傾宮瑤臺以娛嬉喜作肉山酒池而殺龍逢恭
行天討非湯之過於懲德何有哉

王受德名紂材力過人資敏捷智足以拒諫言足以飾非
沉湎冒也淫虐濫刑斂林酒池聖門變室以恣淫然焚炙忠良

夸易孳姁以爲堯歷天命成周肅將天討一戎衣而天下定會
八百國而人心歸三分有二非一日也

周厲王名胡暴虐無道罔維世利重罪謗言道路以且不齒社
稷之安惟惑讒諛之說衆叛親離身死國亂悲夫

周幽王名宮涅暴虐荒淫而不脩山崩川竭而不省信號石父
之譴而廢申后太子寵褒姒女而招大戎取國人之怨憎致諸
侯之離叛身亡焚虜夫何怪哉

秦始皇帝嬴政古稱暴虐無道無逾始皇書六世之餘烈振長
策而馭宇內吞二周而亡諸侯然後六合爲一乃罷侯置守以
破封建之法焚滅典籍以廢先王之道頭會箕歛以竭天下之
財興阿房驪山長城之役以困天下之力威振中國吳敢誰何
自恃無虞安意計建拱衛之皇帝王之業可傳之萬世

而於綱常之道殞絕而不知明知母之通於呂不韋而有如
不韋而幽其母是無父也并六國而滅周是無君也寵少子胡
亥而逐殺適子扶蘇父子之恩絕矣以爲天下之勢難合患在
六國遂裂其土中國不足慮患在四夷而郡桂林城磧石降百
粵而却匈奴可以包舉宇內囊括四海并吞八荒爲億萬世子
孫無窮之基詎知斬木揭竿之衆紛起而破章邯百萬之師敗
繒屠狗之徒一呼而閭閻不守置阿房於焦土化鑿室爲艸
秦以七世而滅天下民以朞月而亡秦天下之弱勝秦之強天
下誠可畏而強秦不足恃也

君道第六

漢書

君臣之分猶大地然易曰天尊地卑乾坤定矣卑高以陳貴賤
位矣故天地定位君臣則之夫何季世君臣之分不明漢書

禍相繼敗凌孤兒潛移鼎祚六朝肇禍五季損仍或舉亂兵而誅宗室者託號靖內難或干天統而竊大位者假名受內禪德不足以格天威不足以服人雖盜窺神器於一時而弗承令緒於奔世四十年間五胡雲擾播鎮爭雄骨肉吞殘父子屠戮強臣因之而跋扈赤子由是而弄其宗社爲之丘墟生民苦於塗炭反掌之報如響之應聲實詛所謂可爲痛哭流涕長歎者也

王莽弑平帝立孺子攝尊位遂行篡奪始由外戚折節力行以要虛譽鄉黨稱孝稱仁輔政勤勞謙恭下士智者莫照其姦負乘南面奮威挾詐窮兇極惡毒流中夏十有八年諛佞之臣靡然阿附上書稱頌五十萬人其罪逆擢髮不能盡炕龍絕氣紫色龜聲不過爲聖主驅除民心思漢劉氏一呼莽就戮矣以

其狂綠女叛子逆與安史同惡爲萬世亂賊之魁亦由哀帝行乖禮義自失人心倒持太阿而授之莽也

魏曹操字孟德父爲宦者曹騰養子乘漢季衰亂而興收張繡走二袁破呂布降劉表戮張超叱咤風生指顧電掃用軍行師變化神奇知人善察欺罔不行技于禁於行陣取張遼於亡虜畫講武策夜思經傳雅性節儉信賞必罰四方獻奉輿衆共之然挾天子殺伏后勦皇子戮貴人害孔融殺崔琰誅荀彧左右侍衛莫匪曹氏之人生殺除拜不出漢主之手者十九年晚用乘輿稱警蹕偃然與至尊無二吾誰欺欺天子迹其平生夜卧圓枕噉野葛飲鴆酒深歎極詐不可殫言天安暴戾慄悍猾賊久蓄無君之心然終卒顧羊鼎曾不染指畏名義耳臨終區處

家唐至分府曹操及子孫者必身受漢臣之榮故操逆於其

子甚不仁哉曹丕篡漢爲魏文帝雅好文學博聞強識諸經
理侃侃忘疲是蜀爭疆文帝偃兵息民不事征戰規模可取當
其篡漢安比舜禹開後世亂賊時道之爲萬世首惡迹魏晉亡
與司馬氏相終始黃雀利於螳螂挾彈者又在其後天理不爽
如是夫

司馬懿字仲達曹操徵辟始陽疾而辭終畏威而就勉臣曹
氏自負奇謀神出鬼歿受遺二主佐命三朝弱寡欺孤恣行誅
戮何安王凌楚王彪交諸曹勦滅無遺威同莽卓師昭兄弟弑
君立幼潛蓄異謀炎遂某魏爲武帝承魏驕奢存心儉約宏略
大度聽約謹言劉毅皇甫陶嵇紹許奇俱選用民恬俗熙家給
人足仗羊祜王渙杜預之謀江湘來同混一疆宇吏奉法而民
樂生儲嗣之才禮度不立茲邪小人輔政竊權災異頻仍政

迭出平吳之後。不數年。紀綱板蕩。宗社丘墟。皆由累世不德。足以報曹氏受制之禍。迹帝之心。自恃宴安。耽溺酒色。開基之始。不爲遠圖。崇尚浮華。敗壞禮法。劉淵當除而不除。惠帝當廢而不廢。遂使傾覆洪基。雖則善始而乖令終。中原淆亂。戎狄腥羶。古今之烈禍也。

宋武帝劉裕。少有大志。晉自渡江。君弱臣強。禍亂相仍。桓玄搆逆。裕起兵草萊奮臂一呼。遂梟靈寶。奉迎東興。再造王室。乃治兵經營四方。揚旗東征。廣固橫潰。卷甲南趨。盧循殄滅。偏師西上。譙縱授首。銳卒北征。姚泓面縛。汎掃伊洛。脩奉園陵。震驚旃裘。發舒華夏。惜舉千里之秦。付之嬰犄。引兵還志在篡逆。一舉足而赫連氏踰蹕。入關中原不復定焉。恨也。然清簡寡欲。嚴整有度。被服朴素。游宴絕希。嬪御寡少。不蓄私藏。孝于父母。幼

主當訓母后無事政足稱良君惜委棄大功躬行篡逆廢君殺主罪邁桓玄曾未逾時遂罹大故

齊高皇帝蕭道成隋宋年貞危喪表諸人協謀匡國建立宗藩為忠良之臣既立順帝北面稱臣規萬禪代尋行弑逆殄滅劉宗齊宗果為篡姦計百出積惡泐諸其前久長然篡位之初以身率下服食儉約曰使我治天下十年使金土同價天不永年勛業弗竟繼述之賢明帝忍酷猜忌殺高武子孫殆盡其篡弑之報歟

武皇帝蕭衍孝慈恭儉博學能文勤於庶政天性沉重優待齊宗簡擇庶吏好尚儒雅致治雍熙遭元魏衰微王公牧守擁屬而歸晚節末路禍起蕭牆亂成戎羯衣冠塗炭民物震劉由其借朱異之讎賈河南之地棄國龍叛人且崇尚縉派變夏

爲夷脫去衣冕加以戎衣宗廟去牲不復血食其後臣弑君子
叛父正德邵陵柳仲禮肅正表袁君正元景仲莊鐵紛然而叛
豈特侯景哉子孫坐視不救得非浮屠之教棄君臣絕父子之禍
其烈如此有國家者不蓋梁武而崇釋教其禍不爽可不戒哉
陳武帝霸先本自單微遭時屯剝選將練兵勦除元惡乘間
立功遂移梁祚處身儉素不尚驕奢即位未旬禮樂刑政百無
一舉蹈梁武遺迹出佛牙設無遮會効胡人膜拜幸寺舍身詒
謀之道即此可知初年獨運奇謀臨危制勝與王僧辨合志討
賊而陰圖僧辨不三載而殂黃蘆汀衣豈待賀若弼韓禽虎之
來而魄兆已先見矣

隋文帝楊堅以叔父之弟受命託孤不能匡主庇民乘時竊
鼎平王謙戮尉遲氏出於天子藉口韓禽虎遂混朔南而承

正統躬節儉均賞賜察吏治通民情恤民窮親臨政事律士傳
餐倉廩量實百姓繁庶衣食充足突厥韃靼林邑高昌女國咸
入貢稱臣可謂盛矣然不學猜忌任小數而信讒使廢太子憂
殺秦王俊滅父子之恩受制獨孤后單騎夜出亂夫婦之道囚
虜而委政阿度乖兄弟之倫殺李君才虞世則絕君臣之義女
爲帝后不從父言不殊王莽子孫視如路人何異梁武功臣勛
舊無保始終國祚宜其不久

後梁太祖朱溫黃巢降將賜名全忠王鐸崇獎過分既受同華
節鉞不因立功朝廷又與宣武重鎮寵過而驕貪心未歇志欲
侵陵遂行篡弑其所爲真巨盜耳篡國之後刑虐不悛賊殺
無辜不念聚斂之耻醜成友珪之禍其子屠之如批上肉與安
吏無異回視前日殺迫之慘天之報之足稱其施可畏也夫天

朱三由降盜擁旗麾小人負乘貪欲無厭迫天子害朝廷太后
諸王弑君奪國盡南山之竹不足書其罪王莽後一人而已
史者於唐亡後直書朱溫削其國號一如賊莽庶幾快于人心
後唐莊宗李存勗父克用沙陀微種奄有河東平黃巢功王于
晉上源之變訟于朝廷不能自直遂與朱溫相攻糾紛不解盡
忠朝廷不失臣節忠義功烈為第一流莊宗以弱為強御將用
兵恩威交濟願指氣使莫不尽力遂服真定取漁陽燕魏博并
山東策馬渡河梁冠殄滅天下震動諸侯降梁踞肆者駭愕狼
顧偏師西指劍閣失守惜其志小氣迫猶然自矜任使便嬖俄
至殞身使能繼父志領唐宗社立其後裔乃棄張承業之忠言
聽吳蜀之佞說借居大位為善不終無異借取其欲速不達見
小利則大事不成者乎

後晉高祖石敬瑭沙陀人唐明宗之婿與從珂同事明宗以禁
裔之親地尊勢重迫於猜嫌請於契丹賂以土地取人之國以
中國之君屈身夷狄玩好珍異旁午道塗小不如意譙責繼之
殊無報色古人行一不義殺一不辜得天下不爲況附夷狄以
伐中國從而取之乎作史者書晉於契丹之事曰晉上尊號於
契丹書契丹於晉之事曰契丹加晉王尊號所以著中國夷狄
首足倒懸之極其惡契丹而賤敬瑭也甚矣

後漢高祖劉知遠沙陀人雖精兵要地屬胡騎比還中原無
主不動聲色南而稱君諸郡爭相表附中國正氣少延然非掃
亂除暴之才無積行累仁之德得之偶然無所憑藉況其始入
洛陽遣使殺從益及入大梁制盜賊賊無多少皆死所爲若此
其能久乎夫根踈者不固基薄者易危後嗣乏才享國不永朝

榮夕替。道昭昭父子相承四年而滅自古之享國未有如是之促也。

後周太祖郭威兩弑其君篡取天位得國之初罷貢獻珍食碎寶器詔百官上封事立訴訟法罷營田謁孔子祠拜墓亂離之際善政可書有王峻贊軍事范質守法度李穀通上意享國雖淺施爲可稱惜其文身從夷偃居大寶曾無忤容自云古豈有花項天子其自歟甚明負震主之威挾不賞之功措身無所乘危而發雖履天子之籍而宗支覆矣奚用操心之險哉五季之世如中夜晦冥孤山窮谷之間鼯鼠鴟鴞狐狸鬼魅何物不有爲君者或盜賊或黥卒或丐養自書契以來禍敗之酷滅亡之速莫甚於斯深可痛悼

史記卷之四

臣道第一列國

成周開國大封諸侯其勛爵曰公侯伯子男其主壁曰桓信躬
殺蒲首一命至于九命由五十里至于千里同姓曰伯父叔父
異姓曰伯舅叔舅是爲宗子維城藩垣屏翰朝聘燕享各有其
時燕市凶荒各致其禮明尊卑上下之分敦孝友睦姻之情與
國同休垂範無極迨周昭南巡帝業浸衰平王東遷王室微弱
侯藩爭強挾天子以令諸侯併小國以增疆域綱淪法斃禮壞
樂崩擅弄干戈邀求功賞於是有戰國之名有霸主之號六卿
分晉三家專魯田完篡齊嬴秦吞周此孔子懼而脩春秋也周
平王以後爲春秋之時其列國與周同姓曰魯衛晉鄭曹燕燕
吳與周異姓曰宋齊秦楚陳此其大者餘國小若杞許滕薛邾

呂江黃不可殫述十二列國中有齊桓晉文宋襄秦穆楚莊五霸事迹論春秋諸國之始終有未及戰國而先亡者有既及戰國而後亡者各舉其槩威烈王以後爲戰國之世則秦楚燕齊趙魏韓七大國而已秦楚燕爲春秋之舊田齊趙魏韓則爲新國使六國能以信義相親秦雖強暴安得而亡之哉三晉爲齊楚之藩蔽齊楚爲三晉之本根形勢相資表裏相附以三晉而攻齊是自絕其本根也以齊楚而攻三晉是自徹其藩蔽也安有徹藩蔽以媚盜而曰盜將愛我而不攻豈不悖哉

呂姬姓太伯仲雍之所封也古公三子長太伯次虞仲其妃大姜生少子季歷而生昌行聖瑞大伯虞仲知古公欲立季歷以傳昌乃如荊蠻斷髮文身以讓季歷而傳昌世無賢君至吳王闔廬始大子夫差無道不納伍子胥之諫爲越王勾踐所滅

魯周公子伯禽所封也。十三世至隱公爲春秋之始。隱公弟桓公子莊公有庶弟三人曰孟孫叔孫季孫世執國政。歷閔公僖公文公宣公成公襄公昭公定公哀公爲春秋之終。定公用孔子陳三家而強公室。繆公尊子思而不用。平頃公爲楚考烈王所滅。

衛武王弟康叔所封。世無賢君。靈公知孔子而不用。後爲秦二世所滅。

晉成王弟唐叔虞所封。後世至文侯仇佐周平王伐犬戎有功。賜鉅鬯彫弓彫矢。策命爲方伯。春秋之世。文公重耳霸諸侯。賜爲方伯。然其避三舍而勝楚。退一舍而降原。其信若足稱也。而未免有專封之罪。河陽之狩。請隧之舉。僭周之迹。不可掩。自是迭爲霸主。至頃公智範中行韓趙魏六卿強盛。哀公之世。韓趙

魏分晉地爲諸侯

曹武王弟曹侯振鐸所封春秋中爲宋所滅

鄭周宣王庶弟桓公友所封子武公莊公並爲周司徒至君乙爲韓哀侯所滅

蔡蔡仲所封周公殺蔡叔其子胡率德改行復封焉春秋之末爲楚惠王所滅

燕召公奭所封至文公約六國伐秦迨昭王僭稱王用樂毅下齊七十餘城太子丹爲秦始皇所滅

畢畢公高所封

叔叔武所封

霍霍叔所封

黃黃帝之後

堯堯之後

神神農之後

禹禹之後

陳陳武王之後胡公滿所封春秋時有公子完奔于齊陳爲楚所

完大子齊名爲田齊

商湯之後微子所封春秋時襄公茲父之智略不如桓文強暴不如秦楚而興師之際乃不禽二毛不鼓不成列區區以姑息爲仁義而不能舒喪師之戚孟之會見辱於楚泓之戰卒殞其身皆自取之也後爲齊楚魏所滅

齊太公呂尚所封春秋時桓公小白擯爲盟主託天子以爲尊倚王室以爲重於是四方諸侯畏其名義莫不效順推其用心考其行事所謂名義者皆假義以濟其威所謂尊君者皆托君以行其志徒衛救邢書包享于楚其義若足稱不免專討之罪葵丘之會踐土之盟尊周之心非出於僞歟方列國連衡而抗王命舉天下不知尊周而桓公能九合諸侯一匡天下明弁冕直履之嫌正冠履倒植之勢使邾鄆之鼎不可問三代之傳器

不可移似亦可取惜其規模淺狹止爲霸齊之舉非有尊王明
義之誠心不乘鄭人之盟不渝曹沫之盟非信也特假信以懷
諸侯遷邢于夷儀封衛于楚丘非仁也特假仁以專予奪至兵
車之會四乘車之會十六竊義之美不足以文其不義之過沽
仁之名不足以蓋其不仁之實是以孔子雖稱如其仁而二百
四十二年之春秋無一語及之者其意深矣後爲大夫田和所
滅和陳公子完之後事桓公爲工正至因僭稱威王宣王時孟
軻至不用公族靖郭君田嬰之子號孟嘗君傾貲結客稱鷄鳴
狗盜之雄挾詐懷姦脫虎噬狼吞之厄僅一馮驩彈鋏取容私
行小惠以收恩孽民爾餘無可稱至王建爲始皇所滅

趙有造父御周穆王封趙城春秋時趙夙世爲晉卿至烈侯時
分晉地爲諸侯至武靈王僭稱王公子勝號平原君招延賓客

玳瑁爲簪以堅白同異爲能僅一毛遂眩玉求售以狂言誑楚
得合趙從成九鼎大呂之寶至幽繆王爲始皇所滅

魏文王子畢公高所封國絕有畢萬專魯邑于魏文侯所分晉
地爲諸侯以卜子夏由子方爲師惠王瑩僭稱王孟軻至不用
公子無忌號信陵君謫而不正乎無聞僅一侯嬴教以竊奪
晉鄙兵符僥倖存趙爾至王假爲始皇所滅

韓武王子韓侯所封國絕後世韓武子世爲晉卿景侯虔分晉
地爲諸侯至宣惠王僭稱王四世至王安爲始皇所滅

楚出於顓頊子祝融爲辛火正有季連者辛姓成王封鬬熊
之子繹於丹陽後有熊渠者僭稱王至莊王用伍舉孫從孫叔
敖遂霸諸侯其始也滅庸以自豈已而伐鄭伐陳使王孫滿問
鼎以窺周其不仁甚矣有黃歇者號春申君荀卿至而不能

夸豪詭貴躡珠履而揚名玩色貪奢納妖姬而殞命自稱仕僚
不稱能賢至哀王爲始皇所滅

項羽之裔曰伯翳舜賜姓嬴氏至非子爲周孝王封於秦繆
公用百里奚并戎以廣國伐晉伐鄭脆而悔過自毀孝公用商
鞅變井田開阡陌徙木而行信令內務耕織以備戰守外連
衡以闘諸侯孝公沒累蒙故業雄於諸侯至始皇滅六國稱皇
帝不二世而亡

項梁故楚將丁秦季大亂梁起兵於吳梁死兄子羽繼領其兵
與漢沛公共立楚懷王孫心爲義帝而自稱西楚霸王將五諸
侯兵滅秦分裂天下封王侯政由已出用范增爲謀主稱亞父
然爲人慍悍猾賊恃匹夫之勇暗鳴叱咤坐大稱雄陳平用間
范增不用羽詐坑秦降卒矯殺鄉子冠軍屠咸陽燒宮室劫殺

子嬰掘始皇冢放殺所立義帝秦民失望王侯畔已乃欲以匣
匣匹夫之勇婦人之仁而籠天下五年卒亡其國身死東城
孫權破虜將軍堅之子策之弟由富春徙舒策死權代領其
衆駐兵武昌與劉備爲姻任周瑜魯肅爲將數曹操于赤壁表
爲票騎將軍領荊州牧後即皇帝位尊父堅爲武烈皇帝兄策
長沙桓王堅勇智剛果以孤遠之兵決忠憤之志首犯賊鋒深
蹂洛川汎掃陵寢有足多者策以童子提一旅之衆揮馬箠以
下江東耆儒宿將狼狽失據闢地千里真英才也然輕躁好殺
卒殞其身權承父兄之烈任計尚奇才追勾踐有周瑜魯肅張
子布陸遜諸葛瑾步騭呂範朱然程普黃蓋甘寧凌統諸公師
友忠賢以成前志赤壁之捷決策定慮以摧大敵非明而有勇
能如是乎奄有荆揚薄于南海傳祚累世宜矣惜見義不明守

節不堅降于曹拯受命領荊州受封爲吳王不討賊而助之不仗義爲不義使吳蜀締好可以抗魏而與蜀仇禽其關羽坐視蜀亡而不救吳亦從之亡矣是權亦漢之賊也

臣道第二聖賢

道之大原出於天人之上智謂之聖天生烝民莫不賦之以五常之德人明至道必盡夫萬善之原得君師之位者制治立教之是兼爲人民之師者著書立言以垂世孔子不得君師之位而明性道之宗濂洛關閩諸子上溯洙泗之淵源折衷群言開闢至道爲萬世之法程坦然而無疑衍而伸之無餘蘊大成至聖文宣王孔丘字仲尼爲邦矯職常設禮容爲季氏史料量平畜蓄息轍環四方弟子盈庭爲中都宰四方則之由大司空進大司寇攝相事七日誅亂政大夫少正卯相定公會齊

侯郊谷却罷夷狄之樂與倡優侏儒之戲乃歸齊所侵汶陽鄆
龜陰之地又隨三都以強公室死於陳蔡命駕而歸序書刪詩
定禮繫周易因魯史記而脩春秋弟子三千通六藝著七十二
人德行顏淵閔子騫冉伯牛仲弓言語宰我子貢政事冉有季
路文學子游子夏顏回子淵有王佐之才聞一知十封禿國復
聖公閔損子騫性至孝封琅瑯公府耕伯生封東平公冉雍仲
弓封下邳公宰我子我封臨淄公端木賜子貢封魯陽公冉求
子有封彭城公仲由季路封河內公言偃子游封丹陽公卜商
子夏封河東公顏回早夭傳孔子之道者曾參子輿作大學傳
一貫之道封邾國宗聖公參傳孔子之孫伋字子思作中庸封
沂國述聖公孔子之父叔梁紇封啓聖王子鯉伯魚封泗水侯
子思般傳子邾國聖公孟軻子車勿被慈母仇氏三遷之教

遊於齊梁不用歸與弟子公孫丑萬章之徒難疑答問作書七篇談仁義而道性善言必稱堯舜黜霸功養浩然之氣而距揚墨孟軻死而聖人之道不傳故曰禹能拯天下之溺軻能拯人心之溺故軻之功不在禹下唐吏部侍郎呂紫伯韓愈之上繼絕學明性道之原抵排異端攘斥佛老二死徙不回而宋元公周惇頤茂叔生於舂陵應五星聚奎之運博學力行早聞聖道自厲名節傳孟軻不傳之緒者太極圖通書黃庭堅稱其胸中灑落如光風霽月學者稱曰濂溪先生康節先生邵雍堯夫河南人自負雄才堅苦刻厲遇李之才授以河圖洛書伏羲卦象乃探蹟索隱妙悟神契玩心高明以觀天地之氣運陰陽之消長衍伏羲先天之旨著皇極經世觀物內外篇天性高邁清而不激和而不流程頤曰堯夫內聖外王之學知慮絕人

公張載子厚關西人少喜談兵中訪釋老及求六經尊禮貴德
樂天知命以易爲宗以中庸爲本以孔孟爲法著正蒙曰爲天
地立心爲生民立極爲往聖繼絕學爲萬世開太平爲西銘推
明理以存義提順以爲孟子性善養氣之論同原道之祖也於
二程爲表叔丞相溫國同馬文正公名光字君實河南人膽掌
台衡兩宮虛己孝友恭儉忠信正直身殉江樓居處有法動作
有禮淡然無欲學無不通闢正塗而仕道不回詎邪說而極詆
新法作潛席以明易象修通鑑以著興亡有旋乾轉坤之功廣
致君澤民之術人稱涑水先生寺丞豫國純公程頤伯淳洛陽
人資性過人充養之有道和粹之道蓋于而肯忿厲之容不形
聲色從周茂叔聞性命道德之說嘗曰道之不明異端害之自
謂窮神知化不可以入堯舜之道弟頤曰先生得不傳之道自

孟子之後一人而已文彥博題其墓曰明道先生秘閣洛國正
公程頤正叔書無不讀學本於誠以大學論語中庸孟子爲標
指而達六經動止語默一師聖人篤志力行必至夫道者易春
秋傳平生行誼彷彿明道學者稱伊川先生龍圖閣學士文靖
公揚時中立將樂人師二程秉性剛直賦性聰明職居諫垣論
事激切官遷蔡酒道貫天下極斥王安石蔡卞之姦苦排劉三
鎮和議之誤東甬學者稱爲龜山先生豫章先生羅從彦仲素
南劍人授業楊時得程氏道學正統絕意仕進潛心力行任重
詣極延平先生李侗愿中授業仲素姿秉勁特氣節豪邁充養
完粹肅穆夷愉動靜語默閑泰端詳敦厚大節齊國文公
朱熹元晦授業延平以輔治爲當爲以師道爲己任奏對以正
心誠意爲本修身以克己復禮爲先登第五十年仕外凡九考

立朝四十六日五經四書發明奧義折衷群言集群聖之大成
立萬世之師表倣春秋書法修通鑑綱目稱晦菴考亭先生云
殿撰宣公張武敬夫早有公輔之器穎悟夙成仁義忠孝之資
以聖賢自期天性洞然勇於從義無毫髮自吝各以正禮俗厚倫
紀爲先闢異端毀淫祠聞道甚早由司諫連典三部與朱熹呂
祖謙講明聖學著論孟圖說經世紀年諸葛武侯傳沫泗言仁
等書稱南軒先生著作成公出祖伯恭心平氣和旁稽載籍
不立崖異七類歸心氣宇溫淳動中矩法講盡開物成務之理
推廣任重道遠之心著讀書記大事記易書說辨志錄明經制
之學稱東萊先生秘閣文定公胡安國康侯師二程著春秋傳
獻時政論長子徽猷閣名宦字明仲號致堂著讀史管見次子

奇承寧

少子宏

師湯時著知言從子正字憲

號籍溪

朱熹師之

程門弟子呂大鈞和叔天臨與叔劉絢李顥謝良

佐顯道游酢定夫張繹思叔尹焯彦明侯仲良師聖顥定皆有
著述載于程氏遺書集成輯釋等書

朱門弟子蔡元定西山著洪範解大衍說詳律呂新書陰陽律

歷子沈九峯著尚書傳黃幹直卿勉齋熹子婿著儀禮傳李端

弘齋張洽敬齋著春秋傳地理沿革表陳淳著齊孝方子果齋

黃灝輔廣著四書纂錄詩童子問劉子澄清之靜春先生

元中書左丞魯國文正公許鶴仲平懷孟人從姚樞得程朱氏

書沉潜玩味造詣淵深凡經史子籍禮樂名物星曆兵刑食貨

水利靡不通慨然以道自任初見世祖任師保之職安童拜相

擢爲左丞中書大政多所建明與太保劉秉忠定朝儀修律歷

考官制革胡俗胡禮致政歸閒就其子師可懷孟守祿卷四

學子考德問道隨材高下訓迪有方武人異端無不感悟王磐稱曰先生神明扶持道學爲深題

齊曰魯

翰林學士文正公吳澄幼清臨川人天資穎異經傳貫通用力聖賢之學以遺逸徵拜祭酒集賢翰林之職受命即辭不樂仕進參政元明善親執弟子禮右丞董士選禮幣招延于家塾脫略記問辭章之習專以義禮爲精弟子難疑皆問隨感而通平生著述有五經纂言考定周禮五官補冬官司空之職儀禮傳十四篇隆正二戴記八篇稱草廬先生